



*Le faict du procès pendāt au grand Conseil entre frere Guy  
Gesmond indultaire, François Roolle Religieux, &  
maistre Rigal du Val Licencié es droicts pour le Prieuré  
de la Reole.*

**Pour ledict RIGAL DV VAL.**



Eu Messire François de Noailles Euesque  
d'Ax, ayant long temps possédé ledict Prieuré  
le resigna à feu messire Gilles de Noailles son  
frere, qui en fut pourueu à Rome l'an 1585. in-  
stallé & iouy iusques en l'an 1597.

Ledit François Roolle en eist pourueu par la mort dudit  
feu messire François de Noailles, & plaide les annees 85. &  
86. iusques en Ianuier 87. & depuis n'en faict diligence ny  
poursuite aucune, preuoyant qu'une resignation bien &  
deuement expediee excluoit le pourueu par mort.

Dés lors M. le Grand Conseiller à la Cour le pretendit  
pour son indult, mais il le perdit dès 87.


Au moys de Novembre 96. messire Gilles de Noailles passa  
procuration pour resigner ledit Prieuré de la Reolle au profit  
de M. Rigal du Val, qui fust enuoyée à Rome par le banquier  
Tauzin le 30. Auil 97.

Où elle arriue le 13. Iuillet 97. la resignation admise, le con-  
seil presté ce iour, & la Bulle enuoyee, & ayant passé par tous  
les offices est expediee audit du Val qui la reçoit le 5. Decem-  
bre 97.

Ce pendant & le 26. Aoust 97. meurt ledit messire Gilles de  
Noailles, & la preuue de sa mort est au procez par son testa-  
ment du 25. Aoust, par l'extraict de l'enterrement & la con-  
fession de Roolle.

Lequel & l'indultaire se font pourueoir par la mort dudit  
sieur de Noailles, en Septembre 97. & prennent possession.

A





où ils treuuent opposition pour ledit du Val qui attendoit ses Bulles.

La question est, si le benefice est vacant par resignation, ou par mort.

Les pourueus par mort disent deux moyens: Que la prouision de Rigal du Val est subreprise, pour n'auoir point exprimé qu'il estoit pourueu de la Cellerie de Tulle: & d'ailleurs que la prouision est expedicee sus des petites dates.

Quant au premier moyen, la verité est que Rigal du Val estoit pourueu dès Nouembre 1595. de la Cellerie de Tulle par deuolut sus Gilles Alanore & François Besse, & en a pris possession en Ianuier 96.

Mais aussi est-ce la verité qu'à cause que lors qu'il eust pris possession il apprist qu'un nommé Texier en estoit pourueu par deuolut deuant luy, il quitta là son droit, & se treuve que les années 1596. 1597. & 1598. ladite Cellerie a esté litigieuse à Bordeaux entre Alanore, Besse, Texier, un nommé Auger: & à Tulle entre ledit Alanore & Besse sentence deffinitive interuenue: & au grand Conseil entre tous, & encore deux autres: & iamais du Val, qui n'a esté pourueu que vingt mois apres de la Reolle, ne s'est présenté ny à Bordeaux ny à Tulle, ny au Conseil, n'a contesté, ny communiqué, ny fait acte quelconque, & si il ne songeoit point encor à lors à la Reolle, & qui plus est, en ce mois d'Aoust dernier la Cellerie a esté iugée par default contre luy, & contradictoirement avec d'autres. Alanore, qui estoit possesseur de trente ans, a esté maintenu contre ledit Auger pourueu par la mort du premier deuolutaire.

D'ailleurs la verité est telle, qu'il auoit resigné long temps deuant ladicte Cellerie, c'est à dire, le droit par luy pretendu, Que son frere Iehan Baptiste du Val en auoit esté pourueu à Rome dès Octobre 1596. mais ce fait à la verité n'est pas proué: par ce que ledit Baptiste a mesprisé & abandonné ledit droit pour les raisons susdites.

La question demeure, si ledit du Val qui a eu ce droit pour delaisé, qui est un droit de deuolut, qui ne remplit



point, au contraire l'ordonnance l'empesche d'entrer en possession, qui d'ailleurs est pourueu par resignation *in fauorem*, & non suiuant le Chap. d'Innocent 3. *Cum secundum Apostolum*. auquel cas seulement les expressions sont necessaires, estoit tenu de l'exprimer: ce qui se resoult aysement par les chapitres *Cum secundum Apostolum*. de *Præbend.* qui propose *nono iure* l'expression necessaire aux pauures estudians, qui veulent estre pourueus, mais à cause qu'il est necessaire que chacun ait sa part de l'heritage du seigneur, il faut exprimer ce que lon tient.

C'est de ceux-la que parlent les lieux alleguez par Gesmond, le chap. *Cum adeo de rescript.* le chap. *Postulasti eod.* lesquels chapitres sont faiçts par le mesme Pape Innocent, qui auoit faiçt le chap. *Cum secundum Apostolum*, qui est mesme recité au chap. *Postulasti.*

Et pour monstrier qu'il se doit entendre ainsi, le chap. *Si pauper clericus. de Præbend. in 6.* porte que si l'escholier a obtenu vn rescript pour estre pourueu d'un benefice, & qu'auparauant l'execution d'iceluy il en obtienne vn autre, le rescript cesse.

C'est la vraye interpretation, & si ces lieux ne s'estendent en vne prouision par deuolut, ne s'entendent en vne resignation: car l'impetrant *non supplicat, secundum Cap. Cum secundum Apostolum.* Et pour le monstrier clairement, *eadem est ratio vacationis & non expressionis.* Or in Cap. *In nostris. de Præbend.* L'impetration d'un benefice comme vacant ne s'entend que de *vacatione de facto.* Aussi *expressio non est necessaria, nisi in obtentis de facto.* Vn deuolut ne remplit, ne iouist, au contraire est prohibé de iouyr.

Outre ce il y a grande difference entre vn rescript *de prouidendo* & vne prouision. Car l'un n'est donné que sous condition, *si preces sunt veræ*, mais *collatio, iuris nomen, sine conditione datur.*

D'ailleurs les Docteurs distinguent de *non expressione*: car par le chap. *Cum teneamur. de Præbend.* si le benefice *adeo est modicum vt non impleat, non est necessaria expressio.* Or vn deuolut eu pour delaisse prohibant de iouyr, ne remplit point. *si sine dolo*



*obmissio facta, non nocet. Cap. Gratia. de Rescript.* Du Val montre que vingt moys deuant la prouision de la Reolle il est pourueu de ladite Celerie, & iamaïs depuis il n'a fait vn pas ny vn acte pour ladicte Cellerie.

Gesmond fait des arguments, que les nommez par les Vniuersitez sont tenus d'exprimer: *Ergo les pourueuse etiam deuoluto iure & certo modo.* La responce est cy dessus faite de *pauperibus clericis*, & les nominations inuentees pour nourrir les estudiants, il est bien raisonnable qu'ils expriment surquoy ils ont esté nommez.

Le dernier argument est, qu'il est bien necessaire d'exprimer puis que lon en demande dispence en la premiere partie de la signature. Il dit vray, mais qu'il tourne le feuillet il verra la seconde partie de la signature, qui en dispence sous la clause *habeantur pro expressis, quæcunque beneficia quæ obtines, seu in quibus, vel ad quæ ius prætendis.*

Finablement *eo iure non vtimur: quia per adeptionem vnius vacat primum. Cap. De multa. de Præbend. Extrau. Excecrabilis.* qui parle des pourueus du Pape, ne parle point des incompatibles, ains de toutes sortes de prouisions.

Quant au fait des petites dates, c'est vn vmbrage que ledit Gesmond a prise, faute d'entendre le langage de Gascongne verti en Latin & la pratique de Rome aux offices tant de la Chambre, la Datterie, que de la Chancellerie.

Ledit Gesmond argumente que le registre du Banquier porte, *Missum fuit procuratorium ad consentiendum dictæ cessionis per Plassi Notarium Burdegala die 7. Nouembris 1596. retentum presentibus Martial & le Roy testibus.* Et par consequent qu'il appert que la procuration n'a point esté enuoyee.

C'est se flater: car le texte y est, *missum fuit procuratorium.* En second lieu il appert par des extraicts faicts du registre du Banquier avec la partie qu'en enuoy de procurations *in fauorem*, son registre est chargé de la mesme façon de mot à mot. *Tertio*, lon a produit les lettres du respondant de Lyon, qui donne aduis de la reception dudit enuoy de procuration.

Finablement ce mot *retentum per Plassi Notarium*, c'est à dire la minute receue, Les François disent La minute receue par



vn tel Notaire, & les Gascons disent le Contract retenu par vn tel : comme ils disent Remettre, c'est à dire, mettre : Mander, c'est à dire, enuoyer, & autres frazes de parler.

L'autre argument est, Le registre du Banquier fait mention que lon a enuoyé *pro duplicata* vn seconde expedition le 15. Iuin 97. & que la response du Banquier porte *Expedite fuerunt littera numero supra, quia hoc memoriale fuit missum pro duplicata, ut dicitur*. Il fait de là vn argument contre la raison cōmune, que par consequent le premier enuoy est vn memoire.

Lon luy respond, que ce mot, *hoc memoriale*, s'entend de *suo*, non alieno corpore, & ne se peut estendre *ad precedens*.

*Secundò*, lon luy mōstre par les lettres du Banquier de Lyon que l'enuoy du dernier Auril auoit esté esgaré par les chemins : à cause que le porteur nommé Iussan estoit passé par Tholose, au lieu d'aller droit de Bordeaux à Lyon : tellement que le respondant de Lyon manda qu'il ne sçauoit que c'estoit que ce paquet du 30. Auril. Et pource Tausin enuoya le second du 15. Iuin : mais en effect la procuration est enuoyee.

Gesmond adioust que lon a pris deux dates à Rome, l'vne du 13. Iuillet, sus lesquelles les Bulles ont esté expediees : & l'autre du 9. Aoust, qui n'ont point esté expediees. Car quand lon a veu que le defunct estoit mort dans les vingts iours, lon s'est seruy de la premiere, & de faict la premiere est enuoyee au registre la derniere.

La response est prompte, qu'il n'y a rien à cela contraire aux bonnes mœurs : car lon voit la cause pour laquelle lon auoit fait deux enuoyes, qui estoit la crainte de la perte du premier paquet : les dates se prennent à Rome aussi tost que les courriers arriuent : mais il ne s'estend rien si les Procureurs ne le demandent. Or la derniere date n'a point eu d'effect. Car elle n'a passé par aucun office, aussi n'est elle point extraite d'aucun registre avec la partie.

Finablement que requiert l'ordonnance : que le Procureur ait à Rome en ses mains la procuration, ce qui appert, la grace est faicte & acceptee, il n'est point attenté contre la regle des petites dates.



Mais ledit du Val adiousté , que Gesmond est incapable : car il n'a point de tonsure valable : d'autant que ce qu'il apporte ne peut estre de luy, il a extraict du secretarial d'Angoulême vne tonsure d'un Guy Gesmond , fils de feu Pierre Gesmond datee de l'an 1502. & en vn autre endroi&t il date de l'an 1052. son extraict porte qu'il n'y a aucune rature en la minute : ces dates sont donc veritables , & de quelque costé qui les prenne la date la plus fresche ne se peut entendre de luy. Et dauantage ce secretarial est representé par vn particulier.

Pour couvrir ceste faute il iustifie , mais c'est par luy mesme, qu'il a esté long temps 88, & 90. esté Curé d'une Cure & baptisé les enfans. Ceste preuue est contre luy : car il n'a dispense ny prouision de ceste Cure , & sa qualité de Religieux est contraire.

Quant à la profession elle est datee & deliuree par vn Notaire, non point extraite du registre du Conuent ou des insinuations, ou autre lieu autorisé par l'ordonnance.

*Monsieur BAVTRY Rapporteur.*





Pour Claire de Sarret prieure de l'abbaye de Sainte Catherine de Montpeller  
demanderesse contre françoise du grain defenderesse.

Les moyens des deux lres patantes, l'aues lres Roiaux en forme de Reg<sup>te</sup> civile, L'incapetance de la prescription.  
D'autant que les proces pour raison des benefices, electifs & qui sont a la noiaon du Roy sont de la  
jurisdiction du Conseil priuatiuement a tous aues Juges. La prescription est bien verifiee par dix chefs  
desduictz au proces.

Quand au fonds. Vactant led<sup>e</sup> prieure le 14 Aoust 1575 la demanderesse obtient du Roy sa noiaon le premier  
Septembre suuant. En vertu de laquelle est prouuee par nre s<sup>t</sup> pere le 22 Aoust 1576 Mise en possession  
des provisions inf<sup>te</sup> infirmes le 25 Nouembre aud<sup>e</sup> an, & par ainsi canoniquant prouuee.

Car par la fondaon led<sup>e</sup> prieure est vere electiua secundum formam c. quiapropter, Et non c. indemnitas.  
vbi eligendo conferunt. Mais yci lelection appartenant aux religieuses, & la confirmadon a l'eglise, & ainsi  
y ba este procede iusques au Concordat, par lequel les Elections estants reduites a la noiaon du Roy  
despuis yceluy il y ba este prouue a la noiaon du Roy vsauoir en lan 1541 de Bonnes de Junes a la  
noiaon du Roy françois d'en lan 49 de Claude de Bornie a la noiaon du Roy Henry 8<sup>me</sup> font fuy les  
placets & lres de leurs m<sup>tes</sup> a nre s<sup>t</sup> pere, & les provisions dest<sup>e</sup> Junes & Bornie produictes au proces.

Et. parce lelection des Ouuriers est vn abus. Car nullum verbum dans la fondaon. Comme aussi ilz n'auoient  
iamais pretendu ce droit d'election, lequel est contre toute dispo<sup>n</sup> de droit estant gens lays quand  
bien ils seroient patrons. Que non, c. sacrosancta. c. messana, c. quisquis de Elect. c. si quis de incorp.  
c. quoniam 16. q. 7. Outre l'abus il y ba nullite en lelection de la defenderesse pour la variadon c.  
auditis c. consideramus de Elect. & lelection confirmee par le vicair<sup>e</sup> qui auoit <sup>refuse</sup> deux precedentes  
elections disant led<sup>e</sup> prieure estre a la noiaon du Roy.

En ses provisions de Rome la defenderesse expressit peioratum de iure patronatus laicorum Quod falsum est  
contraire a la fondaon. Illa falsi suggestio rend les provisions nulles c. nostus de Conc. prob. & ceste  
suppon de patronage lay est expressement defendue a peyne de punition extraordinaire par les  
Ordonances des estat<sup>s</sup> de Blois art. 47. de l'est. ecclesiast.

Mais qui plus, cest vn preiudice au droit de la noiaon du Roy. De facon quil est manifeste que ce n'a este  
qu'un artifice pour s'opposer a la noiaon du Roy scachant que la demanderesse l'auoit obtenue.  
Que si lad<sup>e</sup> provision de la defenderesse auoit a pnt lieu ce seroit establi tel estat au<sup>t</sup> prieure  
que la noiaon du Roy en seroit excluse a l'aduenir

Parce aussi n'est considerable l'extrait de la noiaon pretendue par la defenderesse, & a pnt produit po<sup>r</sup>  
l'incapetance & repugnance dest<sup>e</sup> provisions a la noiaon. Et oultre ce que despuis cinq ans que led<sup>e</sup>  
prieure est vacant, & le proces comence Elle n'auoit iamais allegue aucune noiaon a son profit  
Ains au contraire soutenu que le Roy n'auoit aucun droit dy nommer, Lad<sup>e</sup> noiaon pretendue est  
posterieure de douze iours a celle de la demanderesse. Atqui in noiaone variare non potest Rex  
nisi primo noiato recusato, & si de facto duos noiauerit potior est causa prioris c. eam te de Rescript.  
c. eo tempore eod. in 6. mesmes quand bien secundo noiato fuerit primus per papam prouisum ~~Rebuff~~  
Rebuff. in verbo vnum & 1. de reg. ad priel nom. in Concordo. Lad<sup>e</sup> extrait est fait partie non appelee  
& non signe du Roy ny d'aucun secretaire des Commandementz. Il ny ba eu iamais aucunes lres du  
Roy ny aucune expedition sur lad<sup>e</sup> noiaon. Et ne fust iamais infirmee.

Dauantage les provisions de la defenderesse sent en date du dernier Mars 1575 Cest a dire  
quatre mois auant la mort de lad<sup>e</sup> de Bornie. Sa prise de possession & l'infirmité du  
6. fevrier 1578 C'est trois ans apres l'impetraon.





Leinster & Munster  
County of Wick  
tomb of a large  
monument & monument